

ქ. თბილისი

02 თებერვალი 2022 წ.

ერთის მხრივ, ქ. თბილისის ისნის რაიონის გამგეობა (შემდგომში „შემსყიდველი“) წარმოდგენილი გამგებლის ნიკა ელისაშვილის სახით და მეორეს მხრივ შპს „ანამარია“ (შემდგომში „მიმწოდებელი“) წარმოდგენილი მისი დირექტორის ზურაბ სოლოდაშვილის სახით, საქართველოს კანონის „სახელმწიფო შესყიდვების შესახებ“ და მიმწოდებლის სატენდერო წინადადების საფუძველზე, NAT210025693 ელექტრონული ტენდერის ჩატარების შედეგად დებენ სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი“ - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელმაც მოიპოვა გამარჯვება ტენდერში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანია-რაიონის ტერიტორიაზე, ხივნის მე-5 შესახვევში მდებარე საცხოვრებელი სახლის გამაგრების სამუშაოების შესყიდვა ელექტრონული ტენდერის საშუალებით;
- 2.2. CPV კოდი: 45262310.

3. ხელშეკრულების ჯამური ღირებულება

- 3.1 ხელშეკრულების ჯამური ღირებულება შეადგენს 134 201,07 (ასოცდათოთხმეტი ათას ორასერთი ლარი და 07 თეთრი) ლარი, დღგ-ს ჩათვლით;
- 3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს;
- 3.3. შესასრულებელი სამუშაოების ხარჯთაღრიცხვა თან ერთვის ხელშეკრულებას და წარმოადგენს მის განუყოფელ ნაწილს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება, უნაღდო ანგარიშსწორების წესით ეროვნულ ვალუტაში, 2022 წლის ადგილობრივი ბიუჯეტის სახსრებით;

4.2. მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული სამუშაოთა მიწოდების შემდეგ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე;

4.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან არაუგვიანეს 10 სამუშაო დღის განმავლობაში.

5. შესყიდვის ობიექტის მიღება-ჩაბარების წესი

5.1 სამუშაოების მიღება-ჩაბარებისათვის მიმწოდებელმა სამუშაოების დასრულების შემდეგ, შემსყიდველს უნდა წარუდგინოს ფორმა №2, სამუშაოების შესრულებაზე ზედამხედველი ორგანიზაციის ხელისმოწერითა და ბეჭდით დამოწმებული, რომლითაც დგინდება შესრულებული სამუშაოების შესაბამისობა წინამდებარე სატენდერო დოკუმენტაციასთან და ფარული სამუშაოების ჩატარების აქტი (ფარული სამუშაოების შესრულების შემთხვევაში);

5.2. სამუშაოების წარმოების დროს დაცული უნდა იყოს უსაფრთხოების ნორმები;

5.3. სამუშაოების მიღება-ჩაბარება განხორციელდება მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით;

5.4 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს ქ. თბილისის ისნის რაიონის გამგეობის ბმა-ს განყოფილების უფროსი გიორგი ჭიჭინაძე

6. სამუშაოს შესრულების ვადა და გარანტია

6.1. მიმწოდებელმა სამუშაოები უნდა დაიწყოს შემსყიდველის მიერ ტექნიკური დავალების გადაცემიდან არაუგვიანეს 3 დღის ვადაში, შემსყიდველთან შეთანხმებული სამუშაოთა წარმოების კალენდარული გეგმა-გრაფიკის მიხედვით, რომელიც წარმოდგენილი უნდა იყოს ტექნიკური დავალების გადაცემიდან არაუგვიანეს 3 დღის ვადაში. სამუშაოების დასრულების საბოლოო ვადაა ტექნიკური დავალების გადაცემიდან 2021 წლის 25 ნოემბრის ჩათვლით. ტექნიკური დავალება გაიცემა მას შემდეგ, რაც ამხანაგობის მიერ გადახდილი იქნება კანონმდებლობით დადგენილი თანამონაწილეობის თანხა. თანხის გადაუხდელობის შემთხვევაში, ტექნიკური დავალება ვერ გაიცემა და შესაბამისად, შემსყიდველი თავისუფლდება მიმწოდებელთან გაფორმებული ხელშეკრულებით ნაკისრი ვალდებულებების შესრულებიდან;

6.2. სამუშაოების საგარანტიო პერიოდი შეადგენს 5 წელს, დაწყებული სამუშაოების გადმოცემიდან. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 30 დღის ვადაში საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა, თუ დადგინდება, რომ აღნიშნული ხარვეზები გამოწვეულია მიმწოდებლის მიზეზებით.

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7.2. შემსყიდველი ვალდებულია უზრუნველყოს შესრულებული სამუშაოს ღირებულების ანაზღაურება ხელშეკრულებით გათვალისწინებულ ვადებში;

7.3. მიმწოდებელი უფლებამოსილია მოთხოვოს შემსყიდველს შესრულებული სამუშაოს ღირებულების ანაზღაურება ხელშეკრულებით გათვალისწინებულ ვადებში;

7.4. მიმწოდებელი ვალდებულია:

7.4.1. შეასრულოს სამუშაო სათანადო ხარისხით, მხარეთა მიერ ურთიერთშეთანხმებული აქტით გათვალისწინებულ ვადებში;

7.4.2 სამუშაოები უნდა შესრულდეს სამშენებლო ნორმებითა და წესებით გათვალისწინებული მოთხოვნებისა და სტანდარტების შესაბამისად; სამუშაოების ჩატარებისას, შემსყიდველის მოთხოვნის შემთხვევაში, უზრუნველყოფილი უნდა იქნას 24 საათიანი სამუშაო გრაფიკი;

7.4.3 სამუშაოების წარმოების დროს დაცული უნდა იყოს უსაფრთხოების ნორმები; სამუშაოები უნდა შეთანხმდეს ყველა შესაბამის სამსახურთან;

7.4.4 მიმწოდებელი ვალდებულია უზრუნველყოს სამუშაო ტერიტორიაზე საფრთხის შემცველი მონაკვეთების არეალის განსაზღვრა, მოახდინოს მისი შემორკალვა შესაბამისი ნიშნებით და ლენტებით, ხოლო საჭიროების შემთხვევაში მიაწოდოს ინფორმაცია შესაბამის სამსახურებს;

7.4.5 სამუშაოს დაწყებამდე მიმწოდებელმა სამშენებლო ობიექტზე თვალსაჩინო ადგილას უნდა განათავსოს მინიმუმ 1 ცალი საინფორმაციო დაფა (ბანერი), ზომით 100X80 წარწერით 'მიმდინარეობს საცხოვრებელი სახლის გამაგრების სამუშაოები, სამუშაოების დაწყებისა და დამთავრების ვადების მითითებით. სამუშაოებს ისნის რაიონის გამგეობის დაკვეთით აწარმოებს შპს „ანამარია“, ტელ. -----, ბოდიშს გიხდით შეფერხებისათვის“.

8. პირგასამტეხლო ხელშეკრულების პირობების შეუსრულებლობისათვის

8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

8.2. მიმწოდებელი იღებს ვალდებულებას სამუშაოების დაწყების დავალების

მიღებიდან 3 (სამი) სამუშაო დღეზე მეტი ვადით გადაცილების შემთხვევაში დაეკისროს საჯარიმო სანქცია ობიექტის ღირებულების 0.02%-ის ოდენობით, ხოლო სამუშაოების დაწყების დავალების მიღებიდან 10 (ათი) სამუშაო დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება;

8.3. სამუშაოთა წარმოების გრაფიკის (ეტაპის) დარღვევის შემთხვევაში, მიმწოდებელს დაეკისრება პირგასამტეხლო სამუშაოთა წარმოების გრაფიკით (ეტაპით) გათვალისწინებული შესასრულებელი სამუშაოთა მოცულობების ღირებულების 0.02%-ის ოდენობით ყოველ გადაგადაცილებულ დღეზე. 10 (ათი) სამუშაო დღეზე მეტი ვადით გრაფიკის (ეტაპის) გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება;

8.4. შემსყიდველი იღებს ვალდებულებას ხელშეკრულების 4.3 პუნქტის მოთხოვნის დარღვევის შემთხვევაში გადაუხადოს მიმწოდებელს პირგასამტეხლო ჩასარიცხი თანხის 0.02%-ის ოდენობით ყოველ გადაგადაცილებულ დღეზე;

8.5. ხელშეკრულებით ნაკისრი ვალდებულებების შეუსრულებლობისა ან/და არაჯეროვნად შესრულების შემთხვევაში, მიმწოდებელს დაეკისრება პირგასამტეხლოს გადახდა ხელშეკრულების საერთო ღირებულების 5%-ის ოდენობით;

8.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

9.4. მხარე ვალდებულია არანაკლებ 5 დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3. პუნქტით გათვალისწინებული გადაწყვეტილება მიღების განზრახვის შესახებ;

9.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ

აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება შეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის ხელმოწერიდან და მოქმედებს 2022 წლის 31 დეკემბრის ჩათვლით.

13. სხვა პირობები

13.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

13.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთისახელით, ხარჯებითა და რისკით.

13.4. წინამდებარე ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მხარეთა რეკვიზიტები:

შემსყიდველი:

ისნის რაიონის გამგეობა
მის. ქ.თბილისი, ნავთლუდის ქუჩა N8-1
ხაზინის ერთიანი ანგარიში

კოდი TRESGE22

საიდენტ. კოდი 208 204 959

გამგებელი



ნ. ელისაშვილი

მიმწოდებელი:

შპს „ანამარია“
მის. საგარეჯო სოფელი კაკაბეთი
სს „ლიბერთი ბანკი“
ა/ა GE56 LB01 1313 5724 7530 00
კოდი LBRTGE22
საიდენტ. კოდი 438 108 325

დირექტორი

----- ზ. სოლოლაშვილი

N	საფუძველი	სამუშაოების დასახელება	განზ. ერთ.	ნორმატიული		მასალა		ხეღასი		ტრანსპორტი		სულ
				ერთ	ჯამი	ერთ	ჯამი	ერთ	ჯამი	ერთ	ჯამი	
1	2	3	4	5	6	7	8	9	10.00	11	12.00	13.00
1	1-80-3	გრუნტის დამუშავება მუშახელის გამოყენებით	მ³		39.9							
		შრომის დანახარჯები	კაც/სთ	2.06	82.194			6.0	493.16			493.16
2	46-15-2	კედლების გამაგრებამდე კედლებიდან ძველი ნალესის მოხსნა. სისქე 30 მმ	მ²		572							
		შრომის დანახარჯები	კაც/სთ	0.186	106.392			6.0	638.35			638.35
		მანქანები	ლარი	0.0016	0.9152					3.2	2.93	2.93
3	46-15-2	ლიობების გამაგრებამდე არსებული ნალესის მოხსნა ლიობების პერიმეტრზე. სისქე 30მმ.	მ²		181.74							
		შრომის დანახარჯები	კაც/სთ	0.186	33.80364			6.0	202.82			202.82
		მანქანები	ლარი	0.0016	0.290784					3.2	0.93	0.93
4	E21-2	ტერიტორიიდან სამშენებლო ნაგვის და გრუნტის გატანა ხელით და დატვირთვა ავტოფითმცლებზე.	ტონა		121.56							
		შრომის დანახარჯები	კაც/სთ	0.53	64.4268			6.0	386.56			386.56
5	მშკ 14,2	ტერიტორიიდან სამშენებლო ნაგვის და გრუნტის გატანა ავტოფითმცლებით 25 კმ მანძილზე	ტონა		121.56					8.00	972.48	972.48
6	8-3-2	საპირკვლის ქვეშ 100მმ სისქის ლორღის ფენის მოწოვა	მ³		10.5							
		შრომის დანახარჯები	კაც/სთ	0.89	9.345			7.8	72.89			72.89

[illegible]

[illegible]

		შრომის დანახარჯები	კაც/სთ	170.00	1110.78				6.0	6664.68			6664.68
		მანქანები	ლარი	7.69	50.24646						3.2	160.79	160.79
		კუთხოვანა L100x100x8მმ	ტონა		4.952	2,580.0	12776.16						12776.16
		კუთხოვანა L120x120x8მმ	ტონა		0.682	2,580.0	1759.56						1759.56
		ლითონის ზოლღვანა - 5x60მმ	ტონა		0.9	2,580.0	2322.00						2322.00
12	15-60-1	ლიობების გამაგრების შემდეგ ლიობების შეღებვა ქვიშა-ცემენტის სსნარით. სისქე 50 მმ	მ²		181.74								
		შრომის დანახარჯები	კაც/სთ	1.150	209.001				7.0	1463.01			1463.01
		მანქანები	ლარი	0.059	10.72266						3.2	34.31	34.31
		ქვიშა-ცემენტის სსნარი	მ³	0.051	9.26874	101.0	936.14						936.14
		სხვა მასალები	ლარი	0.003	0.54522	3.2	1.74						1.74
13	9-4-10	ლითონის კონსტრუქციების მონტაჟი	ტონა		0.741								
		შრომის დანახარჯები	კაც/სთ	19.40	14.3754				7.8	112.13			112.13
		მილკვადრატ 150x150x5მმ	ტონა		0.4	2,580.0	1032.00						1032.00
		მილკვადრატ 100x100x4მმ	ტონა		0.109	2,580.0	281.22						281.22
		შველური N12	ტონა		0.125	2,500.0	312.50						312.50
		ორტესები კოჭი I N12	ტონა		0.069	2,450.0	169.05						169.05
		კუთხოვანა L100x100x8მმ	ტონა		0.006	2,580.0	15.48						15.48
		ლითონის ფურცელი - 10x75მმ	ტონა		0.032	2,580.0	82.56						82.56
14	15-164-8	ლითონის ელემენტების შეღებვა ანტიკოროზიული საღებავით	მ²		14.48								
		შრომის დანახარჯები	კაც/სთ	0.680	9.8464				7.8	76.80			76.80

	შრომის დანახარჯები	კაც/სთ	0.994	76.41872			7.8	596.07			596.07
	მანქანები	ლარი	0.0251	1.929688					3.2	6.18	6.18
	წებო	კგ	0.5	38.44	4.8	184.512					184.51
	ლამინირებული პარკეტი	მ²	1.02	78.4176	22.0	1725.1872					1725.19
	ხის პლინტუსი	გ.მ.	1.07	82.2616	3.0	246.7848					246.78
	სხვა მასალა	ლარი	0.182	13.99216	3.2	44.774912					44.77
18	9-14-5 მეტალო-პლასტმასის კარ-ფანჯრის მოწყობა	მ²		57.86							
	შრომის დანახარჯები	კაც/სთ	2.72	157.3792			7.0	1101.65			1101.65
	მეტალო-პლასტმასის კონსტრუქცია	მ²		57.86	170.0	9836.20					9836.20
19	15-54 შენობის ფასადის დაშლევვა ყავისფერი დეკორატიული ცემენტით	მ²		169.25							
	შრომის დანახარჯები	კაც/სთ	0.250	42.3125			7.8	330.04			330.04
	მანქანები	ლარი	0.008	1.354					3.2	4.33	4.33
	მარმარილოს ფხვნილი	ტონა	0.00396	0.67023	195.0	130.69					130.69
	საღებავი	კგ	1.0	169.25	6.5	1100					1100.13
	წებო უკვა	კგ	0.15	25.3875	4.4	111.71					111.71
	სხვა მასალები	ლარი	0.0042	0.71085	3.2	2.27					2.27
20	სნწ 8-22-2 გარე ინვეტარული ხარაჩების მოწყობა შემდეგი დაშლით	მ²		101							
	შრომის დანახარჯები	კაც/სთ	0.530	53.53			6.0	321.18			321.18
	მანქანები	ლარი	0.0023	0.2323					3.2	0.74	0.74
	ხარაჩოს ლითონის ელემენტები	კგ	0.35	35.35	1.41	49.8435					49.84
	ხარაჩოს ხის საფარი	მ²	0.034	3.434	21.0	72.114					72.11
	სხვა მასალები	ლარი	0.016	1.616	3.2	5.1712					5.17

ქ. თბილისი

02 თებერვალი 2022 წ.

„ელექტრონული ტენდერის ჩატარების წესის“ მე-5 მუხლის მე-6 პუნქტის საფუძველზე, ვადასტურებ, რომ ჩემი მონაწილეობა რაიონის ტერიტორიაზე, ხივნის მე-5 შესახვევში მდებარე საცხოვრებელი სახლის გამაგრების სამუშაოების განხორციელებასთან დაკავშირებულ საქმიანობაში არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

რაიონის ტერიტორიაზე, ხივნის მე-5 შესახვევში მდებარე საცხოვრებელი სახლის გამაგრების სამუშაოების შესყიდვაზე, 2022 წლის 02 თებერვალს გაფორმებული N05.01.14/30/014 ხელშეკრულების შესრულების კონტროლზე და ზედამხედველობაზე განმახორციელებელი ფიზიკური პირი:

გამგეობის თანადაფინანსებული
პროექტების განყოფილების
უფროსი:



გიორგი ჭიჭინაძე